



Jumat, 10 Januari 2025
Ogen: Johannes 5:39



Pustaka Si Badia Erberita Kerna Dibata



Ngoge Pustaka Si Badia jadi orat nggeluh man kalaka si erkiniteken. Tep-tep wari ibahan waktu khusus guna ngoge Kata Dibata dengen ngukurisa suari ras berngi. Sabap Kata Dibata erkuasa mereken ngaruh si cukup mebelin nandangi kegeluhen kalak si tek, subuk ku bas cara rukur, perbahanen, pengerana ras sidebanna. I bas Pustaka e mbue pemeteh si dat kita. La terjeng ngajari kita kerna orat nggeluh i bas doni enda tapi pe mabai kita ngantusi sura-sura Dibata. Kegeluhen manusia lit batasna, erdandanken si e Dibata mabai perukuren manusia arah kataNa si tersurat i bas pustaka Si Badia. Arah Pustaka e kita banci meteh kai sura-sura Dibata si man dalanenken i bas geluhta si terbatas enda. Enda me rusur ikataken pernyataan khusus. Tuhan Jesus selaku persuruhan Dibata (anak Dibata) make kata e, janah kata e tuhu mbelin kuasaNa. I bas pustka pe sioge kerna kesaksin-kesaksin nggeluh kalak si erkiniteken, i bas makeken kata Dibata e maba kiniulin kap nandangi geluh.

Bas paksa tenengta enda Jesus nuriken kerna mpelajari Pustaka Si Badia labo terjeng mereken kegeluhen si la erkeri-kerin tapi pe erberita kerna Jesus selaku anak Dibata. I je me isaksiken/iberitaken kerna ise kin Jesus, kai saja siilakokenNa dengen uga belinNa kekelengenNa man manusia. Berita i bas Putaka e labo seri ras berita-berita sipembarken doni enda. Berita e maba kegeluhen si tuhu-tuhu, dengen ngajarken kerna lagu langkah si arus ilakoken.

Tuhu melala kalak si enggo ngaloken berita e, tapi labo enterem kalak si mere diri guna ikut erberita kerna si e. Maun erkiteken nggejapken maka si e labo jadi tanggungjabapna, entah tertaren-taren, entah mbiar muat resiko. I bas si enda kerina, ipersingeti tole kita jadi pustaka Dibata meritaken kerna Dibata arah kegeluhenta si teptep warina. E tanggung jabab siarus ilakoken kap.



"Beritakenlah Kerna Dibata sienggo ioge ras irenungkenndu e"





